

朱海岳集譜

卷六五  
八

Kodak Color Control Patches

未海五年譜  
函 1 冊  
書 號 55031

米  
糶  
送  
因  
奉  
普  
日

米海岳年譜

米海岳年譜

大興 翁方綱 編



米黻字元章後改寫芾襄陽人

方信孺記云世居太原後徙襄

陽定居潤州是以一作吳人其先在宋初有勳

臣信黻五世祖也父佐字光輔官武衛將軍贈

中散大夫會稽公母閻氏贈丹陽縣太君黻以

母侍宣仁后藩邸恩補秘書省校書郎

以下皆據方信

孺洽光尉□□入淮南幕改宣德郎知雍邱縣

□監中嶽廟授漣水軍使發運司勾當公事□

河撥發口入爲奉常博士知常州不赴管勾洞  
霄宮知無爲軍復召爲書畫院博士擢禮部員  
外郎知淮陽軍其大略如此諸家所記惟方信  
孺爲稍詳然已不能悉按年分記矣其有年月  
可攷者著於左

宋仁宗皇祐三年辛卯歲辛丑月生

四年壬辰

五年癸巳

至和元年甲午

二年乙未

嘉祐元年丙申

六歲日讀律詩百首一再過目輒背誦

二年丁酉

自敘云余初學顏書七八歲作字至大一幅  
寫簡不成按此語亦見於羣玉堂米帖

三年戊戌

四年己亥

五年庚子

手帖云余年十歲寫碑刻學周越蘇子美札  
自作一家人謂有李邕筆法聞而惡之

六年辛丑

十一歲

七年壬寅

八年癸卯

英宗治平元年甲辰

二年乙巳

三年丙午

四年丁未

神宗熙寧元年戊申

二年己酉

三年庚戌

四年辛亥

廿一歲

五年壬子

六年癸丑

七年甲寅

五月晦與潘景純同遊桂林伏波巖有手題  
字按桂林伏波巖卽龍隱巖也厓上米題云  
米黻潘景純同遊熙寧七年五月晦此厓閒  
有米老畫像子友仁書贊下有方信孺記云  
予來桂林得僧紹言詩序及伏波巖與潘景  
純同遊□□□□尉□□秩滿寓居西山資  
慶寺頗與紹言遊故有此作其它游蹟則闕  
如也序中云書於桂林易堂今亦失所在豈  
尉舊治耶公作畫史自此始然蔡天啟志公

墓書洽光不及臨桂豈所謂□□者臨桂在  
其中耶抑先臨桂後洽光天啟所書偶略之  
耶按方信孺字孚若號詩境甫興化軍人此  
記於米平生出處略具其槩然熙寧八年十  
月米題浯溪石云米黻南官五年求便養得  
長沙掾至元豐二年三月尙在長沙則熙寧  
八年以後五六年皆官長沙掾也其云南官  
五年由熙寧八年以前計之則自熙寧四年  
辛亥以後皆官於南也而方孚若此記不言

其爲長沙掾則所謂南官五年者猶未能詳核耳

八年乙卯

浯溪石題云米黻南官五年求便養得長沙掾熙寧八年十月望經浯溪

九年丙辰

十年丁巳

元豐元年戊午

二年己未

送吳丈賓州使君詩云元豐己未官長沙

三年庚申

題長沙麓山寺碑云元豐庚申元日同廣惠道人來襄陽米黻按此米題在李北海書岳麓寺碑之側今砌入壁內知者罕矣

曾敏行獨醒雜志米元章自言年三十爲長沙掾盡焚燬所作詩文

四年辛酉

三十一歲題廬山東林碑云十月十六日楚



國米黻按東林寺此碑久亡今是金貞元間  
重刻在東林寺門內東面米題蔣之奇題皆  
正書

五年壬戌

過山陽 過金陵

六年癸亥

蕭閒堂記云僕元豐六年赴希道金陵從事  
之辟會公謫不赴始識荆公于鍾山

七年甲子

按溫草叔皮跋米帖云米元章元豐中謁東  
坡於黃岡承其餘論始專學晉人其書大進  
攷坡公自元豐三年二月到黃州至七年四  
月以前皆在黃也

八年乙丑

哲宗元祐元年丙寅

藥洲米黻元章題時仲公詡積中同遊元祐  
丙寅季春初八日題

八月九日撰寶章待訪錄

二年丁卯

過甬上六月南都舟中

三年戊辰

蘭亭題云元祐戊辰二月獲於才翁之子洎  
字及之米黻記

九月遊吳興有顏魯公碑陰記

跋殷令名帖云元祐戊辰集賢林舍人招爲  
茗雪之遊九月道吳門五日艤舟垂虹亭按  
米老蜀素詩卷有吳江垂虹亭詩入境寄集

賢林舍人詩重九會郡樓詩有謝守風流古  
所傳之句又有和林公峴山之作是時林蓋

爲湖州守也

蜀素卷卽  
是年所書

按淳化閣帖題跋云行年四十元祐三年維  
揚倦遊閣題然元祐三年元章年三十八所  
言行年四十者撮指之語耳

四年己巳

維揚後齋爲亳州蔣使君寫

五年庚午

六年辛未

四十一歲上元後一日同周立之劉瑞邁章  
縱矩遊浮玉

題焦山瘞鶴銘後云仲宣法芝米芾元祐辛  
未孟夏觀山樵書

按王子敬帖跋云崇寧元年五月十五日易  
跋手褻時以芾字行適一紀据此云一紀自  
崇寧元年計之是其名寫芾在元祐六年辛  
未也又按張米庵真蹟日錄載米手柬三帖

皆寫黻張跋云右米公三帖公傳世真墨早  
年作黻至立歲外始改芾此爲元祐初書無  
疑米庵此跋所考尙未詳者米於元祐六年  
辛未始書爲芾是時年四十一矣何云立歲  
乎且卽以米庵所云元祐初年猶書爲黻則  
元祐元年丙寅米公已年三十六矣豈得謂  
立歲外改芾哉此條恐致貽誤故辨之  
米海岳書畫凡有元祐六年辛未以前書作  
芾者皆贗蹟也黻在前芾在後悉可据此定

之宋時著錄米蹟莫如相臺岳倦翁所收米  
公手柬至六十四幅而於黻芾前後中間錯  
互不辨則尙未之詳考耳  
又按米書芾字中間先作一橫然後自上以  
直畫貫下此芾字下从市分勿切市卽芾字  
與朝市之市先上點而後橫畫者迥別凡米  
蹟此字誤作一點一橫廿頭下加市井之市  
者皆僞作也又按米公名先寫黻後寫芾蓋  
以二字皆分勿切故其印篆作亞所謂兩已

相背也朱竹垞詠辛卯米芾四字印詩云十  
稔彙開見八八兩已相背無瓜邪十稔八八  
米也兩已相背亞也然而核諸六書實不如  
此春秋桓二年左傳火龍黼黻此是章服之  
黻米字元章則黻卽此字此傳又云衮冕黻  
珽此是蔽袂黻鞞紱皆與芾通則芾乃蔽袂  
之黻非章服之黻兩已相背則與章服之黻  
非一字也是則當日改寫芾時未之深考耳  
七年壬申

九月蘇子瞻自揚州召還元章方知雍邱具  
飯餉之既至則對設長案各以精筆佳墨紙  
三百列其上而置饌其旁子瞻見之大笑就  
坐每酒一行卽伸紙共作字以二小史磨墨  
幾不能供薄暮酒行既終紙亦盡乃更相易  
攜去自以爲平日書莫及也

八年癸酉

子友仁書跋云元祐之末先臣芾權潤州州  
學教授紹聖間任樞密院事林希以待制爲

潤守極好古云云

紹聖元年甲戌

正月五日作明道觀壁記稱元祐甲戌

周益公題跋云元祐九年未改紹聖時元章  
知雍邱縣上呂汲公書

暮春與周仁熟試賜茶十月東歸道過露筋  
祠刻石爲贊

二年乙亥

八月十八日觀潮于浙江亭詩自注時年四

十五

三年丙子

四年丁丑

漣水軍唐王侍御廟記云紹聖丁丑丹陽米芾竊席是邦夏旱四月晦齋戒請雨翌日雨降

元符元年戊寅

跋晉帖云元符之元漣漪瑞墨堂題淨名齋記嘉瑞堂書

二年己卯

三年庚辰

十紙說越陶竹萬杵在油拳上緊薄可愛子年五十始作此紙

徽宗建中靖國元年辛巳

五十一歲

溫叔皮跋米帖云京口耆舊云建中靖國改元坡歸自嶺外與客遊金山有請坡題名者坡云有元章在米云某嘗北面端明某不敢

坡撫其背云今則青出于藍矣元章徐曰端  
明真知我者也自爾益自負矣

是年七月廿八日東坡卒元章有輓詩  
是年購得褚臨蘭亭詳見下條

二月十日得謝安八月五日帖跋云余年辛  
卯今太歲辛巳大小運丙申丙辰于辛卯月  
辛丑日丙申時獲之此非天耶米芾記注余  
生辛丑月

山谷詩集注米元章爲發運司屬官在江淮

間詩中有滄江書畫船之句卽在是年

崇寧元年壬午

六月九日大江濟川亭艤寶晉齋艤對紫金

浮玉羣山迎快風銷暑重裘褚臨蘭亭

卽元祐戊

辰獲于才翁  
之子泊者

跋王文惠本蘭亭云褚臨蘭亭丞相王文惠  
公故物辛巳歲購于公孫獻壬午八月廿六  
日寶晉齋舫手裝

是年書陳君墓誌銘系銜云奉議郎充江淮

荆浙等路制置發運司管勾文字武騎尉賜  
緋魚袋米芾書

二年癸未

跋晉唐帖云癸未玉堂竹齋太常博士米芾  
記

跋王略帖云癸未歲太常玉堂手裝

與人手柬云能書第二兒二十歲化去刳吾  
心肝至今皓首之由也癸未去國至今二兒  
二女老年何堪云云按此帖不著歲月所云

能書第二兒化去蓋友知也

蕪湖縣學記無爲守米芾書按碑云崇寧元  
年仲秋詔議修學越十月知蕪湖縣林修所  
建適如詔旨云云此記撰書在二年也或以  
此記在崇寧元年誤也

三年甲申

六月制詔今四方承平百揆時敘小大之政  
畢舉獨書畫之學未有高世絕人之風殆勸  
勵之不至也其議投試簡拔之法著爲律令



是時元章名能書適官太常遂除書畫兩學  
博士奉詔作黃庭小楷旋加褒美

四年乙酉

無爲軍仰高臺記

元章在無爲州書墨池二字寶藏二字勒石  
字皆徑二尺許

五年丙戌

盱眙第一山題云張大亨米芾丙戌歲

獲硯帖云僕今日獲天下大奇硯石佳發墨

眼大如錢今歲有此奇獲真丙辛天地合也

友仁跋云此晚年字岳珂跋云寶晉生以辛

卯術家以天地合言則丙戌歲在大觀之元

如寶晉因得右軍王略帖作太師行固嘗以

丙辛合論得帖之月日矣硯山易居在何年

不復可攷而此獲硯帖子友仁指爲暮年字

攷其歲月蓋仙去前一歲也方綱按崇寧五

年丙戌七月改元大觀故岳倦翁跋以爲大

觀之元者蓋謂初改大觀之時非謂大觀元

年也正卽謂崇寧五年爾

大觀元年丁亥

五月丙戌朔作章吉老墓表

曹之格刻寶晉齋帖米書章吉

老墓表大觀元年丙午朔丙戌日立石有年無月誤也是年五月丙戌朔丙午是月非朔耳

口月卒于淮陽軍解方信孺記云痒生於首

謝事不許卒于官

志林云米元章晚年學禪有得知淮陽軍未卒先一月作親朋別書焚其所好書畫奇物

造香楠木棺飲食坐臥書判其中前七日不茹葷更衣沐浴焚香清坐而已及期遍請郡寮舉拂示衆曰衆香國中來衆香國中去擲拂合掌而逝

按大觀元年丁亥米公卒時年五十七宋史本傳云出知淮陽軍卒年四十九其誤明矣又厲鶚宋詩紀事云大觀二年罷知淮陽軍亦誤也又宋程俱北山小集題米元章墓文謂米公卒于大觀四年庚寅此亦不及張丑

清河書畫舫言之爲詳張丑云米公卒於大觀元年丁亥引蔡肇所撰米公墓志謂葬于三年六月此與方信孺記云大觀三年葬于丹徒口山下正合也且黃長睿東觀餘論序云元章今已物故此序作於大觀二年戊子六月則米卒于大觀元年爲定說矣

米芾寶晉英光集今存者僅八卷岳珂序其集稱山林集舊有百卷陳振孫書錄解題云寶晉集十四卷

米所著述書史畫史寶章待訪錄海岳題跋其餘詩跋或見於英光堂帖羣玉堂帖及後人所編輯耳

米公自言與二子友仁友知同校刻泗州南山杜氏所藏蘭亭不著歲月今此帖無攷岳倦翁云米嘗刻寶真齋于無爲州按此帖今佚

江南通志米芾知山陽辨据宋史本傳擢禮部員外郎出知淮陽軍未嘗知山陽也當芾

之時山陽尚爲縣未升軍考芾前此歷官嘗  
知雍邱縣無知山陽縣事蓋山陽是淮陽之  
訛

明禾郡范明泰編米襄陽外紀內云皇祐二  
年正月十七日詔米芾以黃庭小楷作小字  
千文按米公生於皇祐三年此條誤也

又如戲鴻堂帖卷內快雪時晴帖後米跋云  
紹聖丁酉海岱樓題按紹聖無丁酉此亦誤  
又海岳題跋內有紹興乙卯一條按此是米

元暉跋誤入

米公二子友仁原名尹仁友知原名尹知其  
手柬云廿歲能書之子者蓋友知也自癸未  
以前計二十餘年未知友知生于某年而米  
帖家書付寅孫卽寅哥是友仁小名又小字  
虎兒故山谷詩虎兒筆力能扛鼎教字元暉  
繼阿章蓋生于寅歲故以寅爲小名由此考  
之友仁當生於熙寧七年甲寅也

鐵圍山叢談崇寧後尙方所藏米元章諸書

率以千計余以宣和癸卯得見其目

紹興中嘗以米書刻石名紹興米帖

南渡後相臺岳珂以所藏米書鐫石曰英光堂帖

米自號鬻熊後人火正後人蓋以米卽芊也  
又有楚國米黻印又自號溪堂又曰鹿門居士襄陽漫仕淮陽外史

子友仁字元暉又號懶拙老人宣和末掌書學紹興十一年召爲兵部侍郎以敷文閣待

制提舉神祐觀奉朝請年八十二

元章曾孫巨秀見於方信孺記

九曜石在學使署中其一在藩署東齋上  
有藥洲二字旁書米黻元章題又有時仲  
公詡積中同遊元祐丙寅季春初八日題  
十八字余備藩粵東作亭覆之因翁覃溪  
閣學曩督學時與歐陽方伯有還石之約  
卽請閣學爲余記閣學欣然撰訖並纂海  
岳年譜見寄始知海岳書此字時年三十

有六閣學年逾大耋而神明不衰考核精  
審足見前輩好學其不可企及如此余旣  
刻碑記並刊是譜未幾閣學道山之信且  
至噫石之移置不知歲月若干遲之久而  
遇閣學閣學還石之約又歷若干年遲之  
久而余方爲之作亭而閣學又爲之記天  
下事動而無動若有數存乎其間而是譜  
梓成閣學已不復覩然石得斯記以傳與  
海岳後先輝映矣附識顛末於此爲藝林

增一重翰墨緣云嘉慶戊寅首夏上澣後  
學武陵趙慎畛謹跋



Blank manuscript page with vertical columns and faint text.







